

# ጳውሎስ ጽሞቶሳው ጳፌዳ ኮይሮ ኪታ ገሉዋ

ጽሞቶሳ ጌተትያ፡ አማንያ ያላጋይ፡ ቁር ኢስያ ጌተትያ ሳኒን የለቴዳ፡ እ ባረ ዳይ ባጋና አይሁደ እሳ፤ ባረ እቡ ባጋና ቃይ ግሪክ እሳ፡ እ ጳውሎሳና ኪታን እትጥ ዙጥትያ እሳ፤ ምሽራቹዋ ቃላ ኪታካ እናና ማደቲደ ኦልያዋ፡፡ ጳውሎስ ጽሞቶሳው ጳፌዳ ኮይሮ ኪታይ ሄዙ አይፈ የዋቱዋን ሻከቱ፡፡

ኡባጥ ካሰቲደ ሀ ኪታይ አማንያ እሳ ግደን ደንዴዳ ዋርዶ ትምርትያባ ምንሲደ ኦዴ፡፡ ሀ እማላ ግዴዳ ትምርቲ አይሁዳ እሳቱዋ ቆፋጥ ባጋን ሀራ እሳቱዋ ቆፋጥ ባጋ ኦይቄዳዋ፤ “ሀዌ ቤትያ አላሚ ናጋራን ሀምባላቸት ድጌዳዋ ግድያ ድራው፡ እሳይ እቶተላ ደማናው ዲማ ግዴዳ ጸራ ኤራተላ ኤራናው፡ እት እት ቁማቱዋ ሜናን አጋናውን ማቕያ እከናንን እሰና ገለናን ደእናው ኮሺ” ያግያ ቆፋ ባሶ ኦሊደ ኦይቄዳዋ፡፡ ሄዋ ቦላካ ጉጂደ ኦ ኪታይ አማንያ እሳ አይሱዋባን ጎይኑዋ ዋጋባ ታማርሰያ ትምርትያ፤ ሄዋዳንካ ቃይ አማንያ እሳ ካለልያዋንቱን ኡንቱንታ ማድያዋንቱ አይ ማላ ኤሻና ደእያዋንታ ግዳናው በሰንቶ ኦድያባ ኦይቄዳ፡፡ ዉርሰላን ጽሞቶስ የሱስ ክርሰቶሳው ኦልያ ሎኦ ኦሳንቻ ዋኒደ ግዳናው ዳንዳይንቶን ቃይ ዲማ ዲማ አማንያ እሳ ማባራ ሰንላን አው ደእያ አዎተላው፡ ጳውሎስ ኦ ዙራዳ ዘርያ በኤቶ፡፡

## ሸምጋቱዋ ኡባቶ እመቴዳ ቃንሳ ቆፋቱዋ

ገሉዋ 1:1-2

አማንያ እሳባን ኡንቱንቱ ግደን ኦልያ ጸሳ ኦሳንቻቱዋባ 1:3—3:16

ጽሞቶሳው ኦ ኦሶ እመቴዳ ትምርትያ 4:1—6:21

1 ኑና አሽያ ጸሳይን ኑን በእና ጊደ ናሽቻን ናግያ የሱስ ክርሰቶስ ኦዛዜዳ ኦዛዙዋዳን፡ የሱስ ክርሰቶስ ኪቱዳዋ ግዴዳ ታን ጳውሎስ፡፡

2 እማኑዋ ባጋና ታ ቱሙ ናአው፡ ጽሞቶሳው ሀ ዳብዳቢያ ጸፋይ፡፡

ዋርዶ ትምርትያጥ ናገቱሳ

ጸሳ ኑ ኣዉዋጥነ ኑ ጎዳ ክርሰቶሳ የሱሳጥ ኣቶ ኬካተላይ፡ ማርተላይነ ሳርተላይ ነዉ ግድ።

3 ታን ማቅደንያ ባደ ነዉ ጌዳዋዳን፡ ኔን ኤፈሶንን ጋምእና ማላ ኮያድ። እት እት ኣሳቱ ዋርዲዋ ትምርትያ ታማርሲኖ፤ ሄዋንቱ ታማርሲና ማላ፡ ኣግተ ጋደ ኦዳ።

4 ኡንቱንቱ ቶሳ ኦድያዋነ ባረንቱ ዛርያ ጋይርያዋ ኣጋናዳን ኦዳ። ኣያዉ ጎጥ፡ ሄዋ ማላባይ ፓሉማ ካለፎ፤ ቃይ ጸሳ ቆፋ ኣማኑዋን ኤረትያዋ ኦልክኖ።

5 ሀ ኣዛዞ ዋና ቆፋይ ጌሻ ዋዛናጥ፡ ሎኦ ሱረ ዋዛናጥ፡ ኣሳይ በኦ ግያባይ ባይና ኣማኑዋጥ ቤትያ ሲቁዋ ደን፣ ሳናሳ።

6 እት እት ኣሳቱ ሀዋ ኣጊደ፡ ማደና ሃሳያኮ ሰሜድኖ።

7 ኡንቱንቱ ኣያ ሃሳይንቶነ ዋይ ባረንቱን ኣማነቲደ ኦድያባይ ኣየንቶ ኤርክኖ፤ ሸን ጸሳ ሀግያ ታማርሲያዋንታ ግዳናዉ ኮዪኖ።

8 ኣሳይ በሰያዋዳን ሀግያን ጎኤቶጥ፡ ሀጊ ሎኦ ግድያዋ ኑን ኤሬቶ።

9 እትባ ኣኬካናዉ ኮሼ። ሀጊ ሎኦ ኣሳዉ መ፣ ትቤና። ሸን ሀግያ መንሐያዋንቶ፡ ኣዛዘተናዋንቶ፡ ማካላንቻቶ፡ ናጋራንቻቶ፡ ጌሻተላይ ባይናዋንቶ፡ ቱናቶ፡ ባረንቱ ዳዮ ዋይ ኣባ ዋድያዋንቶ፡ ሸምጥዋ ዋድያዋንቶ፡

10 ዋሹማናዉ ካጄልያዋንቶ፡ ኣቱማ ኣሳይ ኣቱማ ኣሳና ዋሹምያዋንቶ፡ ኣሳ ዛልኣያዋንቶ፡ ዋርዳንቻቶነ ዋርዲዋን ጫቂያዋንቶ፡ ዋይ ቱሙ ትምርትያና ጋከተና ኣይ ኦሱዋ ግድናካ ኦልያዋንቶ ከሴዳ።

11 ሄ ቱሞ ትምርቲ ኣንጀቲዳ ጸሳይ ታን ኣዋያና ማላ፡ ታዉ ሀዳራ እሜዳ ቦንቾ ዋንጋላ ግዲዋን ደኤ።

**ጳዉሎስ ጸሳዉ ሺሼዳ ጋላታ**

12 ታን ኦልያ ኪታን ታዉ ዋልቃ እሜዳ ኑ ጎዳ ክርሰቶሳ የሱሳ ጋላታይ። ታና ባረ ኦሳንቻ ሱንሒደ፡ ታና ሄ ኦሶ በሰያ ኣማነቶዋ ጊደ ፓይዴዳ ድራዉካ ኣ ጋላታይ።

13 ታን ሀዋጥ ካሰ ኣ ቦርያዋ፡ ኣ የደርሰያዋነ ቱጋይያዋ ግደጥነ፡ ታዉ ሀዋ እ ኦሌዳ። ሸን ታን ኤረናን ኦሌዳ ድራዉነ ኣማናቤና ድራዉ፡ ጸሳይ ታና ማሬዳ።

14 ቃይ ኑ ጎዳይ ዛዋይ ባይና ባረ ኣቶ ኬካተላ ታ ቦላን ጉሲደ፡ ክርሰቶሳ የሱሳ ባጋና ኑባ ግዴዳ ኣማኑዋነ ሲቁዋ ታዉ እሜዳ።

15 ክርስቶሳ የሱስ ናጋራንቻቱዋ አሻናወ ሀ ሳኣ ዬዳ ግያ ሃሳያይ አማነቲዳዋነ አሳይ ኡባይ ቱማ ጊደ አካናወ በሰያዋ። ኡባፕ አድያ ናጋራንቻይ ታና።

16 ሸን መድና ደኡዋ አካናወ አን አማናናወ በሰያ አሳወ ታን ሌምሱዋ ግዳናዳን፣ ኡባፕ አድያ ናጋራንቻወ ታወ የሱስ ክርስቶሳ ዳሮ ዳንዳያዳን፣ ጸሳይ ታና ማሬዳ።

17 አይፍያን ቤተና መድና ጸሳወ እቶ፣ መድና ካተወ፣ መድናፕ መድና ጋካናወ ጋላታይነ ቦንቹ ግዶ። አመንእ!

18 ታ ናኣ ጽሞቶሳ፣ ካሰ ነባ ትምቢትያ ኦዴዳዋዳን፣ ሄ ኦዴዳዋዳን ሎኦ ኦላ ኔን ኦለታና ማላ፣ ሀ አዘዙዋ ነወ ሀዳራ አማይ።

19 አማኑኑ ሎኦ ሱረ ዋዛናይ ነወ ደኡ። እቱ እቱ ባረንቱ ሱረ ዋዛና የግ አጊደ፣ ላግያዌ ባይና ማርካቢ ባይያዋዳን፣ ባረንቱ አማኑዋ ባይዜድና።

20 ጸሳ ቦርያዋ አጋና ማላ፣ ሄዋ ታማራናወ ታን ሴጸናወ አላ እሜዳ ሄመነዮስነ እስክንድር ኡንቱንቱ ግዶን ደኡና።

## 2

### ዋሳ ጎልያ ዋሳ

1-2 ኑን ጸሳ ማላትያዋን፣ ጌሻተላ ኡባን፣ ሳርተላንነ አሸከተላን ደኡና ማላ፣ አሳ ኡባወ፣ ካተቶነ ሱንላተላይ ደኡያ ኡባቶ፣ ጸሳ ኦቻናወ፣ ዋሳናወ፣ ጋናታናወነ ጋላታናወ በሰያዋ ኡባፕ ካሰታደ ታን ኔና ኤርሳይ።

3-4 አሳይ ኡባይ አታናዳንነ ቱማተላ ኤራናዳን ኮይያ ኑና አሸያ ጸሳ ሰንላን ሀዌ ሎእያባነ ናሸቶያዋ።

5 አያወ ጎፕ፣ እት ጸሳይ ደኡ፤ ጸሳፕነ አሳፕ ግዱዋን ግዱደ ጋናትያ እቱ ደኡ። ሄዌካ ክርስቶሳ የሱሳ ግያ አሳ።

6 አ አሳ ኡባ ዋዛናወ ባረና ኡባወ እሜዳ። ጸሳይ ባረ ዋድያን አሳ ኡባ ዋዛናወ ኮይያዋ በሰያ ማርካይ ሀዋ።

7 ታን ጸሳ ቃላ ኦድያዋ፣ የሱስ ኪቲዳዋነ ቃይ አማኑዋንነ ቱማተላን አይሁዳ ግደና አሳ ታማርሰያዋ ግዳደ ሱንፍቲዳዌ ሀዋሳ። ታን ዋርዶትከ፤ ቱሙዋ ሃሳያይ።

8 ሄዋ ድራወ፣ ኡባ ሳን ደኡያ አቱማ አሳይ ሀንቁነ ፓሉሚ ባይናን፣ ባረ ጌሻ ኩሽያ ፑደ ደንሊደ፣ ጸሳ ዋሳናዳን፣ ታን ኮያይ።

9-10 ሄዋዳን ቃይ ማጫዋንቱካ በሰያ ማዩዋ ያሻተላንነ ባረንታ ሞድያዋን ማይና። ጸሳወ ያያይ ግያ ማጫ አሳ በሰያዋዳን፣

ሎኦባ ኦሳያዎናፕ ኦትን፡ ሁጲያ ሹሩባ ዳድያዎን፡ ዎርቃን ዎይ እንቁዎን፡ ዎይ ዳሮ ኦልኦ ኦፍላን ባረና ኦሌቁሶፕኖ።

11 ማጫጫና ኡባባን ሞደታደ፡ ጮኡ ጋደ ታማሩ።

12 ታን ማጫጫና ጮኡ ጋደ ደኡ ጋይፕ ኦትን፡ ኦቱማ ኦሳ ታማርሱን ዎይ ኡንቱንቱ ቦላ ኦዎቱ ጊከ።

13 ኦያዉ ጎፕ፡ ኦዳም ኮይሮ መፍቱዳ፤ ሄዎና ጉየፕ መፍታዲ።

14 ሄዎና ጭመታደ ጸሳ ህግያ መንሳዲፕ ኦትን፡ ኦዳም ጭመትቤና።

15 ሸን ማጫጫና ኦማኑዎን፡ ሲቁዎን፡ ጌሻተላንን ባረና ሞዳደ ደኦፕ፡ ናና የልያዎን ኦታና። \*

### 3

#### ዎሳ ጎልያ ካለሳያዎንታ

1 ኦንን ዎሳ ጎልያ ካለሳያዎ ግዳናዉ ኮዮፕ፡ ሎኦባ ኦሞቴዳ ግያ ሃሳይ ቱማ።

2 ዎሳ ጎልያ ካለሳያ ኡራይ ቦርሰናዎ፡ ኦት ማቻት ጸላላይ ደኦያዎ፡ ባረና ሞድያዎ፡ ባረና ናግያዎ፡ ባረዉ በሰያዎ ኦሳያዎ፡ ኦማሳ ሞክያዎ፡ ታማርሳናዉ ዳንዳይያዎ፡

3 ማሶተናዎ፡ ኦሸከተላፕ ኦትን ዎላቀተናዎ፡ ፓሉመተናዎ፡ ሻሉዎ ሰቀናዎ፡

4 ናናይ ኦዉ ኦዛዘትያዎን ቦንቶያዎ፡ ቃይ ባረ ጎልያ ኦይሳናዉ ዳንዳይያዎ ግዳናዉ በሴ።

5 ኦያዉ ጎፕ፡ ኦት ኡራይ ባረ ጎልያ ኦይሳናዉ ዳንዳየናዎ ግድፕ፡ ጸሳ ኦማንያዎንታ ዎት ኦይሳናዉ ዳንዳይ?

6 ኦቶሩዎን ሱገቲድ፡ ጸላህያ ካፑ ጸሳ ፕርዳን ኩንዴዳዎዳን ኩንደና ማላ፡ ኦራሳ ኦማኔዳ ኦሳ ግዳናዉ በሰና።

7 ጸላህያ ካፑዎ ቦርያንን ጲርያን ገለና ማላ፡ ሄ ኡራይ ዎሳ ጎልያፕ ካረና ደኦያ ኦሳን ናሸትያዎ ግዳናዉ በሴ።

#### ዎሳ ጎሊን ማድያዎንቱባ

8 ሄዎዳን ቃይ ዎሳ ጎልያ ማድያዎንቱ ኦሳይ ቦንቶያዎንታ፡ ላኡ ደና ሃሳየናዎንታ፡ ዳሮ ዎይንያ ኤሳ ኡሸናዎንታ፡ ማሻዉ ያረተናዎንታ፡

9 ኦማኑዎ ጹራ ጌሻ ዎዛና ቆፋን ናግያዎንታ ግዳናዉ በሴ።

---

2:13 ደመላ 2:7፣ 21-22    2:14 ደመላ 3:1-6    \*    2:15 ናና የልያዎን ኦታና፡ ናና የልያዎን ናገታ ደኦና ጉሳ።    3:2 ቲቶ 1:6-9

10 ሄዋንቱ ካሰቲደ ፓጨታናዉ ኮሼ። ፓጮያ አጾዋፕ ጉይያን።  
ዎሳ ጎለን ኦልያዋንታ ግዲደ ኦልኖ።

11 ሄዋዳንካ ቃይ ኡንቱንቱ ማቻቱ አሳይ ቦንቾያዋንታ።  
ዝግረናዋንታ። ባረና ሞድያዋንታ። ኡባባን አማነትያዋንታ ግዳናዉ  
በሴ።

12 ዎሳ ጎልያ ማድያዌ እት ማቻት ጸላላይ ደእያዋን ቃይ ባረ  
ናና ባረ ጎልያ ሎይል አይሰያዎ ግዳናዉ በሴ።

13 እያዉ ጎፕ። ዎሳ ጎልያ ማድያዋንታ ግዲደ። ሎኦ ኦሱዋ  
ኦልያዋንቱ ባረንቱ ሁጳዉ ዎልቃማ ቦንቾዎ ደሚኖ፤ ቃይ ክርሰቶሳ  
የሱሳን ባረንቶ ደእያ አማኑዋ ሎይል ጸሊደ ሃሳያናዉ ዳንዳዪኖ።

**ዎልቃማ ጹራ**

14 ታን ኔኮ ኤለካ ባና ጋደ ሀዋ ነዉ ጸፋይ።

15 ሸን ታን ቤናን ጋሞኦፕ። ጸሳ ጎለን ኔን ዎታ ደእናዉ በሰንቶ  
ኤራና ማላ ጸፋይ። ሄ ጎሊ ቱማተላዉ ቱሳን ባሶ ግድያ ደኡዋ  
ጸሳ ዎሳ ጎልያ።

16 ኑ አማኑዋ ጹራይ ዎልቃማ ግድያዎ ኦንነ ሰቆናዉ ዳንዳዪኖ።  
ክርሰቶሰ አሹዋን ቆንጨዳ፤

እ ጽሉዋ ግድያዎ ጌሻ አያናይ ማርካቲዳ።

ኪታንቻቲካ አ በኤድኖ፤

አይሁዳ ግደና አሳይ አባ ኦድና ሰሴዳ።

ሳኣን ደእያ አሳይ አ አማኔዳ፤

ቦንቾዋን እ ሳሉዋ ቤዳ።

# 4

**ዎርዶ አስታማራቱዋ**

1 እት እት አሳይ ዉርሰላ ዎድያን አማኑዋ አጋናዎ ጌሻ  
አያናይ ቆንጮያን ኦዳዳ። ኡንቱንቱ ዎርዶ አያናቶ አዛዘታና፤ ቃይ  
ጸላሀቱዋ ትምርትያ ካላና።

2 ሀዋ ማላ ትምርቲ። ትላ ዎዛና ታማን ቦንቄዳ ብራታን  
ጉዳዳዎዳን ደንጮሌዳ ዎርዶ አሳቱዋ ባጋና ዬዳ።

3 ሀዋንቱ ማላ አሳቱ አክያዋን ገልያዎ ቃይ እት እት ቆዋ  
ካላ ሞያዎ ድገና። ሸን አማንያዋንቱን ቱማተላ ኤርያዋንቱ ጸሳ  
ጋላቲዳዋፕ ጉይያን ማና ማላ፤ ጸሳይ ካላ መጴዳ።

4 እያዉ ጎፕ። ጸሳይ መጴዳባይ ኡባባይካ ሎኦ። ጸሳ ጋላቲደ  
አሱፕ። ኦለትያዌ አያይነ ባዋ።

5 እያዉ ጎፕ። ሄ ኡባባይ ጸሳ ቃላንነ ዎሳን አንጀቲዳዎ።

ክርስቶሳዉ ሎኦ ኦሳንቻ ግድያዎ

6 ሄዎ ድራዉ፡ ኔን እሻቱዎ ሄዎ ሀሳይሰያዎ ግድፕ፡ አማኑዎን ኔን ካሌዳ ሎኦ ትምርትያ ቃላን ኤቆፕ ኔን ክርስቶሰ የሱሳዉ ሎኦ ኦሳንቻ ግድናሳ።

7 ሸን አማንያ አሳዉ ሎኤና ሃሳያፕነ ቃይ ጭማ ማጫ አሳ ቶሳፕ ባቃታ። ቃይ ጸሳ ማላትያዎን ኔና ሎሀሳ።

8 እያዉ ጎፕ፡ አሳይ ባረ ቦላ ምንሰያዌ ላፋ ጎኤ። ሸን ጸሳ ማላትያዎን ሎሀሰያዌ ሀእካ ሰንሳፕካ ደኡዎ እማና ግያ ድራዉ፡ ኡባባዉካ ጎኤ።

9 ሀ ሃሳያይ አሳይ ኡባይ አካናዉ በሰያ ቱሙ ሃሳያ።

10 ኦን ሄዎ ደማናዉ ዳቡሬቶነ ሎይሐ ኦሌቶ፤ ሄዎ ኦን ሀደታ ዎሌዳዌ አሳ ኡባ፡ ኡባፕ አሊደ፡ አማንያዎንታ አሸያ ደኡዎ ጸሳ።

11 ሀዎ አዛዛነ ታማርሳ።

12 ኔን ያላጋ ግድያ ድራዉ፡ ኔና ኦን ካቶፖ። ሸን አማንያዎንቶ ነ ሃሳያን፡ ሀሮተላን፡ ሲቁዎን፡ አማኑዎንነ ጌሻተላን ሌምሱዎ ግድ።

13 ታን ያና ጋካናዉ አሳዉ ጸሳ ማጻፋ ናባብያዎን፡ ጸሳ ቃላ ኦድያዎንነ ታማርሰያዎን ምና።

14 ትምቢትያ ኦድያዎንቱ ሃሳይናነ ጭማቱ ባረንቱ ኩሸያ ነ ቦላ ዎሐና፡ ኔን እኬዳ፡ ኔናን ደእያ ጌሻ እያና እሙዎ ቶቾፕ።

15 ነ ድቻይ አሳ ኡባዉ ቆንጫና ማላ፡ ሄዎ ምንሳ ቆፕ። ሀዎ ኡባ ዎደ ኦሳ።

16 ነ ሁጲያነ ነ ትምርትያ ናፕ። ኔን ሄዎ ኦላፕ፡ ኔና ኔን ግያዎ ሰሰያዎንታ አሸያ ድራዉ፡ አገናን ኦሳ።

5

አምኤቱዎ ዘሬዳ ዘርያ

1 ጭማ አሳ ነ አባ ቦንቶያዎዳን ቦንቻፕ አትን፡ ቶቾፕ። ያላጋቱዎ ነ እሻዳን፡

2 ቃይ ጭማ ማጫ አሳ ነ አቲዳን፡ ያላጋ ማጫ አሳ ነ ምቻቲዳን፡ ኩመንሳ ጌሻተላን ቦንቻ።

3 ባረ ጸላላ ግዴዳ ቱሙ አምኤቱዎ ቦንቻ።

4 ሸን አምአትዉ ናናይ ዎይ ናና ናናይ ደኡፕ፡ ሄ ናናይ ጸሳ ማላትያዎ ባረንቱ ሶይ አሳ በሰያዎንነ ቃይ ሄዎ ኦሳዎን ባረንታ የሌዳዎንቱ ኩሸያ ዘርያዎ ታማርኖ። እያዉ ጎፕ፡ ሄዌ ጸሳ ናሸቶያዎ።

5 እያ ማዲካ ባይና ባረ ደእያ ቱሙ አምኦታ ጸሳይ እማና ጋይ ናሽቻን ናጋ ኡታዲ። ቃይ ጋላሰነ ቃማ ጸሳይ እዞ ማዳና ማላ፡ ሞሳውካ ኦቻው።

6 ሸን ባረና እሻልሰያ አምኦታ ገጸ ደኦጥካ፡ እዛ ሀይቃድጋዲ።

7 ቃይ ኦንነ ኡንቱንታ ቦረና ማላ፡ ሀ አዛዙቀ እማ።

8 ሸን ባረንቱቀ ቃይ ኡባጥ አሊደ፡ ባረ ሶይ አሳው ቆጥና ኡራይ ኦናነ ግድጥ፡ ሄቄ ባረ አማኑቀ ካዴዳቀ። አማነና አሳጥካ አዲደ አው ኢታ።

9 ኡሱቱን ታሙ ላይላይ ኩምቤና አምኦት ሱንላ ማዝነብያን ጸፎጋ። ሄቀ ቦላን ቃይ እዛ እት አሰናጥ ሀራ ገላቤናውኖ ግዳናው ኮሼ።

10 ናና ድኡያቀን፡ እማላ ሞክያቀን፡ ጌሻቱቀ ገድያ ማጭያቀን፡ ሞየቱዳ አሳ ማድያቀን፡ ሎኦ ኦሱቀ ኡባ ካልያቀን፡ ሀ ሎኦ ኪታ ኪተትያቀን ኤረቱዳውኖ ግዳናው በሴ።

11 ሸን ያላጋ አምኤቱቀ የኮንቱ ሱንላና ጋላ ጸፎጋ። አያው ጎጥ፡ ኡንቱንቱ ባረንታ፡ አሰና ገላ ገላ ግያ ሞደ፡ ክርሰቶሳ አጋናቀንታ።

12 ኮይሮ አማኑቀ ካዴዳ ድራው፡ ኡንቱንቱ ፕርደታና።

13 ሄቄ ባይናን ኡሱቀ ዳዱደ እት ጎልያጥ ሀራ ጎልያ ዩዩደ፡ ሀመትያቀ ሳላላ ግደናን፡ ባረንቶ በሰናባ ሃሳዩደ፡ ዝግርሳነ የውቀን ጮ ገልያቀ ታማሪና።

14 ሄቀ ድራው፡ ኦ ሞርከቱ ኦ ቦላ ሃሳይያ ኢታባ ደመና ማላ፡ ያላጋ አምኦቱ አሰና ገሊደ፡ ናኦ የሊደ፡ ባረንቱ ጎልያ አይሳና ማላ ዘራይ።

15 እያው ጎጥ፡ ሀቀጥ ካሰ አማራዳ አምኦቱ ሴጻና ካላናው አጊደ ጉየ ሰሜድና።

16 አማንያ ሞሽራትው ሀቃንካ ዳቦ አምኦቱ ደኦጥ፡ እዛ ኡንቱንታ ማዳናው በሴ። አማንያ አሳቱ ማዲ በሰያ ቱሙ አምኤቱቀ ማዳና ማላ፡ ኡንቱንቱ አማንያቀንቶ ቶኮ ግድጥና።

17 ሎይላ ሄምያ ጭማቱ፡ ቃይ ኡባጥ አሊደ፡ ቃላ ኦድያቀንነ ታማርሰያቀን ዳቡርያቀንቱ፡ ዳኮ ቦንቹቀ አካናው በሲና።

18 እያው ጎጥ፡ ጸሳ ማጸፋይ፡ “ኡዲማን ካላ የድያ ቦራ ደና ቃቸጋ” ቃይ፡ “ኡሳንቻይ ባረ ድርጉቀ አካናው በሴ” ያጌ።

19 ላኡ ሞይ ሄዙ ማርካይ ባይናን፡ ሞሳ ጎልያ ጭማ ሞትያቀ ሰሶጋ።

20 ሀራቱ ያያና ማላ፥ ናጋራ ኦልያ ኡባቱዋ አሳ ኡባ ሰንፋን ሴራ።

21 ኔን አይነ አሳ ዳሙዋ ጸለናን፥ እቱዋ እቱዋ፣ ዲማየናን ሀ አዛዙዋ ናጋና ማላ፥ ጸሳንነ የሱሰ ክርሰቶሳን ደረቱዳ ኪታንቻቱዋ ሰንፋን ኔና ታን ዘራይ።

22 ኦ ቦላንነ ኤሌላደ ነ ኩሽያ ዋጻ፣ ሀራቱዋ ናጋራን ገሎ፣ ኔና ጌሻተፋን ናጋ።

23 ኔን ኡባ ዋደ ሳከትያ ድራውነ ነ ኡሉዋ ድራው፥ ጉፋ ዋይንያ ኤሳ ኡሻፕ አትን፥ ሃፋ ጸላላ ኡሾ፣።

24 እት እት አሳቱዋ ናጋራይ በአናው ቆንጨ፤ ኡንቱንቱ ናጋራይ ኡንቱንታ ፕርዳናው ኡንቱንቱ፣ ሰንፋው አጼ። ሽን ሀራቱ ናጋራይ ጉየፕ ቆንጨ።

25 ሄዋዳንካ፥ ሎኦ ኦሱካ ቆንጨ። ቆንጭቤናባ ግደፕነ፥ ጌማናው ዳንዳየና።

# 6

## አይለቶ እመቴዳ ዘርያ

1 ጸሳ ሱንፋይነ ኑ ትምርቲ ቦረተና ማላ፥ አይለተፋ ሞርገ ሞፋ ግደን ደእያዋንቱ ባረና ሞድያ ጎዳቶ ቦንቹ በሰያዋ ኤርና።

2 አማንያ አሳ አይልያ ግዴዳዋንቶ ኡንቱንቱ ጎዳቱ ኡንቱንቶ እሻ ግድያ ድራው፥ ኡንቱንታ ካጵፕና። ሽን ባረንቱ ኪታን ጎኤትያዋንቱ ኡንቱንቱ ሰቅያ አማንያዋንታ ግድያ ድራው፥ ኡንቱንቱ ካሰዋፕ አሊደ አሳናው በሴ።

## ዋርዶ ትምርትያን ቱሙ ዲረተፋ

ኔን ሀ የዋቱዋ ታማርሳናውነ ኦዳናው በሴ።

3-4 ኦንነ ዲማ ትምርትያ ታማርሰያዋ ግደፕ፥ ቃይ ኑ ጎዳ የሱሰ ክርሰቶሳ ቱሙ ቃላናነ ኑ አማኑዋ ትምርትያና ጋከተና ኡራይ ዳር ኡቶረቱ፤ አይነ ኤረና። ቃይ ቃላ ቦላን ፓሉመታናውነ ዋላቀታናው ኡንቱንቶ ገገና ቆፋይ ደኤ። ሄዌ ቃናትያ፥ ፓሉማ፥ ቦርያ፥ ኢታ ሰጵያ ካለሌ።

5 ቃይ ኡንቱንቱ ሀጺ ኦ። ቱማተፋይ ባይና አሳቱዋናካ ፓሉማ ካለሌ። ኡንቱንቱ ጸሳ ማላትያዋን ዲረታና ጊደ ቆፕና። ኔን ሄ አሳቱዋፕ ሻከታ።

6 ሽን ታዉ ደእያባይ ታዉ ግዳና ግያ ኡራ ጸሳ ማላትያዌ ዲረዬ።



7 እያዉ ጎጥ፡ ኑን ሀ አላምያ አይነ አሀበይኮ፤ ቃይ አጥ አይነ አፎኮ።

8 ሸን ምያባይነ ማይያባይ ደአጥ፡ ሄዌ ኑዉ ግዳናዎ።

9 ሸን ዱረታናዉ ኮይያዎንቱ ፓጭያንነ ጲርያን ገሊኖ፤ ቃይ ዳሮ አሳ ባሻዉነ ጳዮ ጎቕ አፍያ ዳሮ ኤያነ ቆህያ አሙዎን ኩንዲኖ።

10 እያዉ ጎጥ፡ ሻሉዎ ሲቅያዌ ኢታተላ ኡባዉ ፑልቱዎ። እቱ እቱ ሄዎ አሞቲደ፡ አማኑዎጥ ባለቲደ፡ ዳሮ መቱዎን ባረንታ ቆሄድኖ።

**ጳዉሎስ ጽሞቶሳ ዞራዳ ዞርያነ አዛዜዳ አዛዙዎ**

11 ሸን ኔኖ፡ ጸሳ አሳዉ፡ ሄዎጥ ባቃታ። ጽሎተላ፡ ጸሳ ማላትያዎ፡ አማኑዎ፡ ሲቁዎ፡ ዳንዳያነ አሸከተላ ካላ።

12 አማኑዎ ባጽያ ሎይላ ባጸታ። ዳሮ አሳ ሰንላን ሎኦ ማርካ ማርካታደ፡ ኔና ጸሳይ ጼሴዳ መቅና ደኡዎ አይቃ።

13 ኡባባዉ ደኡዎ እምያ ጸሳ ሰንላን፤ ቃይ ጳንጾናውያ ጵላጸሳ ጌተትያ ጋድያ ሞድያዎ ሰንላን ሎኦ ማርካ ማርካቴዳ ክርሰቶስ የሱሳ ሰንላን ታን ኔና ሀዎ አዛዛይ።

14 ኑ ጎዳ የሱስ ክርሰቶስ ቆንጫና ጋካናዉ፡ ቅታይ ባይናንነ ቦሪ ባይናን ሄ አዛዙዎ ናጋ።

15 አ ቆንጫላ፡ እት ሱንሳይ ደእያ እንጀቴዳ ጸሳይ፡ ካታቱዎ ካቲ፡ ጎዳቱዎ ጎዳይ፡ ባረ በሰያ ዎድያን በሳና።

16 ሀይቀናዌ እት አ ጸላላ። ኦንነ አኮ ሺቃናዉ ዳንዳየና ፖኡዎን ደኤ። ኦንነ አ በእቤና፤ ቃይ በአናዉካ ዳንዳየና። ቦንቹነ መቅና ዎልቃይ አዉ ግደ። አመንእ።

17 ሀእ ሀ ዎድያን ዱረ ግድያዎንቱ ኦቶረተናዳንነ ቃይ ኑን ናሸታናዳን፡ ኡባባ ፓላሀሲደ ኑዉ እምያ ደኡዎ ጸሳን አማነታናዎጥ አትን፡ አቅያ ዱረተላን ኡንቱንቱ አማነተናዳን፡ ኡንቱንታ አዛዛ።

18 ኡንቱንቱ ሎኦባ ኦላናዳን፡ ሎኦ ኪታን ዱረታናዳን፡ ኬክያዎንታነ ሀራቱዎና ሻክ አክያዎንታ ግዳናዳን አዛዛ።

19 ሄዎ ያትያዎን ኡንቱንቱ ሰንላዉ ባረንቶ ምኖ ባሶ ግድያ ሻሉዎ ባረንቶ ሺሸኖ። ሄዎጥ ጉይያን፡ ኡንቱንቱ ቱሙ ደኡዎ አካና።

20 ጽሞቶሳ፡ እት እት አሳይ ባላን ኤራተላ ግያ ኤያ ፓሉምያጥነ መላ ሃሳያጥ ባቃታደ፡ ነዉ እመቱዳ ሀዳራ ናጋ።

21 አያው ጎጥ፣ እቱ እቱ ኑው ኤራተላይ ደኤ ያጊደ፣ አማኑዋ ባሌድኖ።  
ጸሳ አጵ ኬካተላይ ሀንተናና ኡባና ግድ።

## ጌሻ ማጻፋ

### **The Holy Bible in the Dawro language of Ethiopia**

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Contributor: The Word for the World International

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### **The New Testament**

in Dawro

### **© 2011-2024, Wycliffe Bible Translators, Inc. and The Word for the World International**

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-01

---

PDF generated using Haiola and XeLaTeX on 2 May 2025 from source files dated 1 May 2025

585b63ca-b8e6-55c8-bfef-10bdc95ad69c